

վերացրեց գյուղացիական հողերի օգտագործման համայնական եղանակը և այն փոխարինեց ծխային եղանակով, ամրացրեց յուրաքանչյուր անտեսության հողաբաժինը և վերացրեց հողի սպարերաբար կրկնվող վերաբաժանումները, իրավունք տվեց գյուղացիներին վաճառելու, նվիրելու կամ զբաղ ղեկելու իրենց հողակտորները համայնքի ներսում, իսկ այգիները, բանջարանոցները և տնատեղերը՝ նույնիսկ համայնքից դուրս։ Լենֆորմը կալվածատիրական որոշ բնա-



Քչնի գյուղի ընդհանուր տեսարանը

տուրքեր վերածեց զբաղակալների և աշխատավորների նպաստեց ապրանքակապիտալիստական հարաբերությունների զարգացմանը։ 1870 թ. մայիսի 14-ի կանոնադրությամբ գյուղացիներին տվեց նաև քաղաքացիական որոշ իրավունքներ։ Կանոնադրերը կնքելիս նրանք կարող էին հանդես գալ իրենց անունից, հաշտարար դատավորը չէր կարող զրանք կնքել առանց նրանց համաձայնության կամ ներկայության և այլն։

3. ՀՈՂԱՅԻՆ ՀԱՐԱՐԵՐՈՒԹՅՈՒՆՆԵՐԸ։ ՀԱՐԿԵՐՆ ՈՒ ՊԱՐՀԱԿԵՐԸ

Հողային ճարտարություններ։ XIX դարի վերջին Արևելյան Հայաստանում շարունակեցին զոյատեղել նախկին պետական, կալվածատիրական կամ մասնատիրական և վանական-եկեղացական հողատիրության ձևերը, Գրանցից ամենաընդարձակը պետական հողատիրությունն էր։ Արևելյան Հայաստանի ամբողջ տարածքը կազմում էր 6838835 դես. (1 դես.=1,092 հեկտ.), որից 80-ական թվականներին սեփականության իրավունքով պետությանը պատկանում էր 6249401 (91,4%), կալվածատերերին՝ 441328 (5,5%), վանքերին

ու եկեղեցիներին՝ 140.000 (2,0%), իսկ ազգաբնակչության ճնշող մեծամասնությունը կազմող գյուղացիներին՝ ընդամենը 8006 դես. (0,1%) հող⁴⁴:

Ցարական կառավարությունը իր հողերի մեծ մասը տալիս էր գյուղացիներին՝ մշտական ու ժառանգական օգտագործման համար և փոխարենը գանձում բազմաթիվ հարկեր ու տուրքեր: Այդ գյուղացիները կոչվում էին պետական գյուղացիներ, որոնք 80-ական թվականների կեսերին կազմում էին 105.051 տնտեսություն (827.623 մարդ) և հանդիսանում գյուղական բնակչության ճնշող մեծամասնությունը (72,0%)⁴⁵: Երկրի տարբեր շրջաններում նրանց վարելահողերի չափերը տարբեր էին: Երևանի գավառում, օրինակ, յուրաքանչյուր տնտեսություն ուներ 5,19, Էջմիածնի գավառում՝ 7,26, Սուրմալուի գավառում՝ 5,34, Նախիջևանի գավառում՝ 4,83, Նոր Բայազետի գավառում՝ 9,07, Ալեքսանդրապոլի գավառում՝ 9,79, Զանգեզուրի գավառում՝ 7,14 դես. վարելահող⁴⁶:

Թեև այս տվյալները չափազանցված են պաշտոնական վիճակագրության կողմից, այնուհանդերձ ցույց են տալիս, որ Արևելյան Հայաստանում գյուղացիները տառապում էին սակավահողությունից: Վ. Ի. Լենինը, խոսելով ռուսական գյուղացու հողային ապահովվածության մասին, գրում էր, որ 8 դես. «բավական չէ ընտանիք պահելու համար» և նշում, որ «ծայրը ծայրին հասցրնելու համար նյութապես ապահով հողային տնտեսությանը 15 դեսյատինից ոչ պակաս հող է հարկավոր»⁴⁷: Երկրի համարյա բոլոր շրջաններում գյուղացիները գանգատվում էին սակավահողությունից: Նրանց բազմաթիվ բողոքների ճնշման տակ ցարական իշխանությունները հարկադրված եղան զբաղվել երկրամասի հողային հարցով:

1892 թ. պետական ունեցվածքների մինիստր Օստրովսկու առաջարկությամբ Թիֆլիսում ստեղծվեց հատուկ հանձնաժողով՝ Կովկասի պետական ունեցվածքների լիազոր, գաղտնի խորհրդական Յա. Ս. Մեդելեդի նախագահությամբ և տարբեր մինիստրությունների ու Կովկասի գլխավոր կառավարչության ներկայացուցիչների անդամությամբ, որի վրա պարտականություն դրվեց մշակել Անդրկովկասի հինգ նահանգների, Կարսի մարզի և Բաթումի ու Արդվինի օկրուգների պետական գյուղացիների հողաշինարարության նախագիծը: Սկսելով աշխատանքները 1893 թ. ապրիլին, հանձնաժողովն անհրաժեշտ գտավ պետական գյուղացիների դրության մասին եղած հայտնի «նյութերի» և պաշտոնական այլ աղբյուրների հիման վրա նախապես կազմել մի ընդարձակ ղեկուցագիր և ներկայացնել քննարկման: Որոշ ժամանակ անց

44 Տե՛ս «Сборник статистических данных о землевладении и способах хозяйства в пяти губерниях Закавказского края», Тифлис, 1899, стр. III—VII, Приложение IV, стр. 2—25, 86; «Сборник статистических сведений о частном землевладении в Тифлисской и Кутаисской губерниях, изданный Тифлиским дворянским депутатским собранием под редакцией Ф. Г. Гогичайшвили», Тифлис, 1910, стр. 30; «Обзор Карсской области за 1896 г.», Карс, 1897, стр. 6; ЦГИАЛ, ф. 1276, оп. 19, д. 2, л. 35, ф. 396, оп. 2, д. 1160.

45 Տե՛ս «Сборник статистических данных...», стр. 18—20, 326, Приложение IV, стр. 2—25, 86; «Кавказский календарь на 1895 г.», отд. V, стр. 36—37.

46 Տե՛ս «Сборник статистических данных...», стр. 18—20, 326—327.

47 Վ. Ի. Լենին, *ԵԺ*, հ. 17, էջ 74—75:

Յա. Ս. Մեղվեղեր պատրաստեց այդ զեկուցագիրը⁴⁸, ուր վիճակագրական բաղմամբիվ տվյալների հիման վրա արձանագրվում էր, թե երկրամասի համարյա բոլոր գավառներում հողը բաժանված է տարբեր գյուղերի միջև միանգամայն անհավասար:

Յա. Ս. Մեղվեղեր գտնում էր, որ սակավահող գյուղացիներին կարելի է բավարարել կամ պետական ազատ հողերի, կամ ավելին ունեցող գյուղերի հաշվին: Նա առաջարկում էր Անդրկովկասի տարբեր շրջաններում սահմանել հողաբաժին տարրեր չափեր. լեռնային շրջաններում յուրաքանչյուր շնչի համար նախատեսում էր 4—6 դես., նախալեռնային շրջաններում՝ 2—4 դես., իսկ ցածրագիր շրջաններում՝ 0,75—2 դես. ամեն կարգի հող: Դրանցից ավելին ունեցողների հողերը պետք է տրամադրվեին կարիքավորներին: Չանտեսելով մասնավոր սեփականության բաղմամբիվ առավելությունները, Մեղվեղեր, սակայն, գտնում էր, որ հողը պետք է տալ գյուղացիներին մշտական օգտագործման իրավունքով, իսկ համայնքի պաշտպանության համար կառավարությունը պետք է կտրականապես արգելի հողաբաժինների օտարումը կամ գրավ դնելը: Այս գտնում էր, որ գյուղացիներին, հողաբաժնից զատ, անհրաժեշտ է բավարարել նաև անտառներով և իբրև նորմա յուրաքանչյուր տնտեսության համար նախատեսում էր 1—16 դես. (նայած տվյալ շրջանի անտառային տարածությունը): Այս ամենի դիմաց գյուղացիները պետք է վճարեին հողահարկ՝ պետական հանդակներից օգտվելու և անտառահարկ՝ անտառներից օգտվելու համար:

Յա. Ս. Մեղվեղերի այդ «Զեկուցագիրը» ցարական պաշտոնական դիրքերից ելնող և կյանքից կտրված մի փաստաթուղթ էր, որովհետև պաշտպանելով տիրապետող հողային հարաբերությունները, առաջարկում էր «կարգավորել» գյուղացիական հողատիրությունը անիրագործելի եղանակներով:

1896 թ. փետրվարին Յա. Ս. Մեղվեղերի «Զեկուցագիրը» քննվեց հանձնաժողովի նիստում, և նյութերն ուղարկվեցին Պետերբուրգ: Երկու տարի անց այդ նյութերը երկրագործության ու պետական ունեցվածքների մինիստրության եզրակացության հետ միասին վերլուծվեցին կենտրոնական հանձնաժողովում, և ընդունված նախագիծը հանձնվեց պետական խորհուրդ, որի հիման վրա հրատարակվեց 1900 թ. մայիսի 1-ի օրենքը:

Ցարական կառավարությունն իր մեծապետական-ազդարային քաղաքականությունն անցկացրեց նաև Կարսի մարզում: Պատմական Հայաստանի այդ տարածքը Ռուսաստանին միացնելուց անմիջապես հետո, նա ստեղծեց զանազան հանձնաժողովներ, որոնց վրա պարտականություն դրեց՝ ուսումնասիրել Թուրքիայի տիրապետության տարիներին մարզում եղած հողային հարաբերությունները և միջոցներ մշակել կառավարության գաղութային քաղաքականության անցկացման ուղղությամբ: Հանձնաժողովներն իրենց նյութերը ներկայացրին Կովկասի գլխավոր կառավարչություն, ուր 1887 թ. մշակվեցին համապատասխան կանոններ:

Այդ կանոնների համաձայն Կարսի մարզի հողատարածքը և բնական հարստությունները համարվում էին պետական սեփականություն: Գյուղացիներ

⁴⁸ Տե՛ս ՍՍՀՄ կենտրոնական պետական պատմական արխիվ (այսուհետև ՍՍՀՄ ԿԳԱ), ֆ. 396, ց. 2, գ. 1160: «Записки по вопросу об основаниях поземельного устройства государственных крестьян в пяти губерниях Закавказского края».

ըր պետք է օգտվին իրենց հողաբաժիններից համայնական կարգով, Սակայն մարզի մի շարք վայրերում դեռ Թուրքիայի տիրապետության ժամանակ գոյություն ունեցող ծխային հողատիրությունը պահպանվեց: Արտավայրերից գյուղացիներն օգտվելու էին համատեղ, ընդ որում շատ տեղերում մի քանի գյուղերին տրվեց մի ընդհանուր արտավայր: Համայնքի թույլտվությամբ գյուղացիները կարող էին արտավայրերը դարձնել վարկահողեր և կցել դրանք իրենց հողաբաժիններին: Նրանք կարող էին համայնական հողատիրությունից անցնել ծխական հողատիրության, եթե համայնքի անդամների 2/3-ը կքվեարկեր այդ որոշման օգտին: Այդիներն ու բանջարանոցները ճանաչվում էին մասնավոր, իսկ անտառները՝ պետական սեփականություն: Հայկական վանքերին ու եկեղեցիներին պատկանող հողերը մեծում էին անձեռնմխելի, իսկ զինվորական մասերը տարածություններ էին ստանում ըստ իրենց պահանջների: Պետության համար կատարած ծառայությունների դիմաց առանձին անձինք պարգևատրվում էին հողային ընդարձակ տարածություններով:

Ցարական քաղաքացիական ու զինվորական իշխանությունները գաղութացման նպատակներին հատկացրին Թուրքիա արտագաղթած մահմեդականների հողերը: Չբավարարվելով դրանով, նրանք այդ տարածություններն ընդարձակելու նպատակով կատարեցին նաև բնակավայրերի խտացում, բնակեցնելով յուրաքանչյուր գյուղում անվազն 15 ընտանիք⁴⁹, իշխանությունները հատուկ ուշադրություն դարձրին վերաբնակիչների ազգային կազմին: Նրանք որոշեցին՝ կարսի մարզը բնակեցնել ուղղափառ ուսներով և ստեղծել նրանց համար արտոնյալ պայմաններ, նախատեսելով յուրաքանչյուր տնտեսությանը 15—30 դեռ. լավորակ հող⁵⁰: Կայսրության ինչպես այլ ծայրամասերում, այնպես էլ Անդրկովկասում ու Արևելյան Հայաստանում ցարական իշխանությունները դրանով իրացնում էին իրենց ուսացման կուրսը, ոտնահարելով տեղացիների կենսական շահերը: Խոսելով Անդրկովկասի գաղութացման մասին, Վ. Ի. Լևինն ընդգծում էր տեղացիների սակավահողությունն ու հողազրկությունը և ցույց էր տալիս, որ այստեղ «վերաբնակեցման ֆոնդն ստեղծվում է բնիկների հողային իրավունքների աղաղակող խախտման միջոցով, իսկ վերաբնակեցումը Ռուսաստանում կատարվում է ի փառս «ծայրամասերի ոռոգականացման» միևնույն նացիոնալիստական սկզբունքի»⁵¹, Սակայն ցարական կառավարության այդ քաղաքականությունը ինչպես ամենուր, այնպես էլ Արևելիայն Հայաստանում տապալվեց, Ռուս վերաբնակիչները ոչ միայն պատվար չդարձան ցարին, այլև պատահ առիթով ծառացան նրա դեմ, խաղաղով դրական զին ցտեղական ժողովուրդների քաղաքական-հասարակական գիտակցության հեղափոխականացման գործում⁵²:

Արևելյան Հայաստանում պետական գյուղացիները տարբեր հողամասերից օգտվում էին տարբեր կերպ: Նրանք իրենց կալատեղերը, խոտատեղերը, բանջարանոցներն ու ոչ մեծ այգիները համարում էին սեփականություն և

49 ՏՃ՝ ա Ա. Մ. Պոդոլյան, *Ելժած աշխ.*, էջ 133—143:

50 ՏՃ՝ ա Լ. Ավդալբեյզյան, *Հողային հարցը Արևելյան Հայաստանում (1801—1917 թթ.)*, Երևան, 1959, էջ 178—179, 204:

51 Վ. Ի. Լևին, *Եժժ*, հ. 21, էջ 407—408:

52 ՏՃ՝ ա Վ. Ա. Ավետիսյան, *Հայ հասարակական մտքի զարգացման մարտա-լենինյան փուլի սկզբնավորումը*, Երևան, 1976, էջ 74:

դարձնում գործարքի առարկա: Վարելահողերից օգտվում էին համայնական կարգով և պարբերաբար վերաբաժանում իրար մեջ:

Երկրի տարբեր շրջաններում վերաբաժանումները կատարվում էին տարբեր սկզբունքով (ըստ ընտանիքի բոլոր անձանց թվի կամ միայն ըստ տղամարդկանց քանակի, ըստ ամուսնացած զույգերի թվի, ըստ վճարած հարկերի ու տուրքերի չափերի և այլն), բայց ավելի հաճախ՝ «համփաշարեր» սկզբունքով: Համփաշ համարվում էր հողաբաժնի առավելագույն չափը, որը տրվում էր ունեւոր ընտանիքներին, իսկ շարքը՝ նվազագույնը և տրվում էր չբավոր ընտանիքներին:

Արոտավայրերից պետական գյուղացիներն օգտվում էին բացառապես համայնական կարգով: Մինչև 1862 թ. արոտավայրերն իշխանությունների կողմից տրվում էին կապալով և դրամատերերը վերցնելով դրանք, վերադիրներով տալիս էին ընակչությանը: 1862 թ. արոտավայրերի օգտագործման այդ ձևը փոխարինվեց համայնական օգտագործումով: Արոտավայրերից օգտվողներն այժմ պետք է պետությունը վճարեին յուրաքանչյուր խոշոր եղջերավոր անասունի համար 10 կոպեկ, իսկ մանր եղջերավորի համար՝ 1 կոպեկ: 1877 թ. հարկման այդ ձևը վերացվեց և հաստատվեց, այսպես կոչված, դեպատինային վճարը: Համաձայն նոր կարգի յուրաքանչյուր գյուղ պարտավոր էր պետությանը վճարել ոչ թե ըստ անասունների գլխաքանակի, այլ իր տրամադրությանը՝ հանձնված արոտատեղերի տարածության:

Երկրի որոշ շրջաններում (հատկապես Արագածի լանջերին և Կարսի բարձրավանդակում), ուր բնակվում էին անասնապահ քրդերը, պետական օրենքին դուգահեռ, գործում էր նաև արոտավայրերի օգտագործման «չղբոված օրենքը»՝ սովորույթը (աղաթը): Քրդական յուրաքանչյուր գյուղ բաժանված էր մի քանի խմբերի, որոնց ղեկավարանում էին ազդեցիկ հարուստները: Դրանք կոչվում էին օրաբաշխներ, իսկ խմբի շարքային անդամները՝ ջոլեր: Օրաբաշխներն արոտատեղիները բաժանել էին իրենց խմբերի միջև և դարձել դրանց փաստացի տերերը: Ցարական կառավարությունն, իր սոցիալական հենարանը քրդերի մեջ ամրապնդելու նպատակով, 80-ական թվականների կեսերին ոչ միայն շոյնչացրեց այդ կարգը, այլև օրինականացրեց այն, արոտատեղիները գրանցելով օբարաշխների անունով: Նման պայմաններում օբարաշխները դարձան ավելի արտոնյալ և ջոլերից սկսեցին հավաքել պետության սահմանածից մի քանի անգամ ավելի գումար⁵³:

Ոռոգող ջրից օգտվելու համար ամեն մի գյուղ ընտրում էր իր հավատարմատարները, որոնք զավառապետի կամ նրա օգնականի ներկայությամբ, փակ քվեարկությամբ, ընտրում էին միրաբ՝ 1—3 տարի ժամանակով: Գյուղն ընտրում էր ջուլարիներ, որոնք օգնում էին միրաբին և հսկում առուներին: Միրաբն ունեւր վարչական ու դատական իրավունքներ, բաժանում էր ջուրն ըստ համայնքների և լուծում նրանց միջև առաջացած վեճերը: Գյուղացիները ոռոգող ջուրը ստանում էին իրենց հողաբաժինների շափի համեմատ:

Արևելյան Հայաստանի պետական հողերի համեմատաբար փոքր մասը կառավարությունը հանձնում էր վարձակալներին և ամեն կերպ ձգտում ավել-

⁵³ Տե՛ս «Аграрная политика царизма и крестьянское движение в Армении в начале XX в.», составил проф. В. Рштуни, при участии К. Степаняна, Ереван, 1951, стр. 152—155.

լացնել այդ հողատարածությունները: Դրա համար տեղական իշխանությունները նախ և առաջ օգտագործում էին դեռևս 1861 թ. հունիսի 29-ի Անդրկովկասում հողային սահմանադատումներ անցկացնելու մասին հրատարակած օրենքը: Նրանք հարևան գյուղերի միջև եղած վեճերը կարգավորելու առիթներով խլում էին վիճելի տարածությունները և սեփականացնում:

1887 թ. հունիսի 2-ին կառավարությունը նոր օրենք հրատարակեց Անդրկովկասում հողային սահմանադատումների մասին: Ի տարբերություն 1861 թ. հունիսի 29-ի կանոնադրության, որով սահմանադատվում էին առանձին գյուղերի հողային տարածությունները, իսկ վեճերը լուծվում վարչական կարգով, նոր օրենքով սահմանադատվում էին առանձին շրջանների հողային տարածությունները, իսկ վեճերի կարգավորումը անտեսվում էր⁵⁴, 1897 թ. մայիսի 26-ին կառավարությունն առաջարկեց լուծել հողային սահմանադատումների հարցը 1861 թ. հունիսի 29-ի կանոնադրության համաձայն և ամրացնել յուրաքանչյուր գյուղին ու տնտեսությանը այն հողամասերը, որոնք գտնվում էին նրանց փաստացի օգտագործման տակ⁵⁵, Ֆարական կառավարությունը թեև անընդատ փոխում էր հողային սահմանադատումների օրենքները, սակայն դրանց հիմքում մշտապես դեռում էր պետական վարձակալային հողերի ընդարձակման սկզբունքը: Հետևողականորեն կենսագործելով այդ քաղաքականությունը, 25—30 տարվա ընթացքում (1861—1892) Արևելյան Հայաստանում նա ստեղծեց ավելի քան 243.000 դես, պետական վարձակալային հողերի ֆոնդ⁵⁶:

Կառավարությունը վարձակալային հողերն իբրև պարզև երբեմն տալիս էր առանձին պաշտոնյաների ու նշանավոր անհատների և այդ ճանապարհով ամրապնդում իր սոցիալական հենարանը: Այսպես, 1880-ական թվականների սկզբներին Կարսի մարզում 37 հոգի ստացան 100—500-ական դեսատի հող⁵⁷: Վարձակալային հողերը երբեմն տրամադրվում էին հարուստ անհատներին ու ընկերություններին կամ ռուս վերաբնակիչներին: Կարսի մարզում միայն 1880 թ. պետական հողերում հիմնվեց վերաբնակիչների 3105 տնտեսություն: Սակայն իշխանությունները վարձակալային հողերի մեծ մասը տալիս էին սակավահող գյուղացիներին և, օգտվելով նրանց անելանելի դրությունից, պարբերաբար բարձրացնում վարձակալման գները: Բազմաթիվ զեպյերում պետական վարձակալային հողերն անցնում էին մեծագումար դրամատերերի ձեռքը, որոնք կրկնակի ու քառակի զինելով տալիս էին դրանք գյուղացիներին: Շատ հաճախ դրամատերերի ու գյուղացիների միջև հանգստ էին գալիս միջնորդներ, որոնք ավելի էին բարձրացնում վարձակալման գները: Փետական հողերը չէին անցնում անմիջապես գյուղացիների ձեռքը նախ այն պատճառով, որ պաշտոնյաները շահադիտական նպատակներով դրանք տալիս էին դրամատերերին, երկրորդ՝ աճուրդի ժամանակ գյուղացիները պարզապես անկարող էին մրցել դրամատերերի հետ: 80-ական թվականների կեսերին

54 Տե՛ս Վրացական ՍՍՀ ԿԳՊԱ, ֆ. 14, գ. 29, թ. 61 (այսուհետև՝ ՎՍՍՀ ԿԳՊԱ):

55 Տե՛ս նույն տեղում, թ. 63—64:

56 Տե՛ս ՍՍՀՄ ԿԳՊԱ, ֆ. 398, թ. 2, գ. 1160: «Всподданнейший отчет о состоянии Карской области за 1884 г», Приложение № 11.

57 Տե՛ս ՍՍՀՄ ԿԳՊԱ, ֆ. 49/113, ց. 2, գ. 513, թ. 169—176:

արդեն կապալառուների ձեռքում էր պետական վարձակալային հողերի մեծ մասը⁵⁸։

Արևելյան Հայաստանում կալվածատերերի դասակարգը բաղկացած էր աղաներից, բեգերից, մուլքադարներից և թիուդարներից։ Դրանց մեջ մեծ թիվ էին կազմում մուլքադարները, ապա՝ բեգերն ու աղաները և վերջում՝ թիուդարները։ Մուլքադարական հողատիրությունը հաստատված էր Արարատյան դաշտում, Նախիջևանի, Շարուր-Պարալագյազի և Նոր Բայազետի գավառներում, թիուդարականը՝ Երևանի, Էջմիածնի գավառներում, ինչպես և Նախիջևանի, Շարուր-Պարալագյազի ու Նոր Բայազետի գավառների որոշ շրջաններում, իսկ բեգական-աղայական հողատիրությունը՝ Շուշիի, Զանգեզուրի գավառներում, Ղազախի, Շամշադինի, Լոռիի շրջաններում և անհշատ շափով՝ Սևանի ավազանում։ Ֆեոդալական հողատիրության այս ձևերն իրարից տարբերվում էին գերազանցապես գյուղացիներից վերցրած ունեւայի շափերով և նրանց նկատմամբ զործադրած արտատնտեսական հարկադրանքի հղանակներով։ Արևելյան Հայաստանում կալվածատերերը բաժանված էին «բարձր դասին պատկանող» և «բարձր դասին չպատկանող» կարգերի։

1870 թ. մայիսի 14-ի կանոնադրության կիրառման ժամանակ, օգտվելով իշխանությունների պաշտպանությունից, կալվածատերերը շատ տեղերում գյուղացիական հողաբաժիններից բազմաթիվ կտորներ զավթեցին և կցեցին իրենց տնտեսություններին։ Նույնիսկ Երևանի նահանգապետը գտնում էր, որ այդ անողոր զավթումները գյուղացիության համար ծանր դրություն են ստեղծում⁵⁹։ Կալվածատերերը գյուղացիների հողերի հետ միասին բռնագրավում էին նաև ոռոգող ջուրը։

Կտրատելով ու հափշտակելով գյուղացիական հողաբաժինները, կալվածատերերն ամենուրեք ընդարձակեցին իրենց հողատարածությունները։ Սակայն 80—90-ական թվականներին ապրանքադրամական հարաբերությունների զարգացման հետևանքով նրանց մի մասը վաճառեց իր տիրույթները։ Կալվածատիրական հողատիրությունը 1870-ական թվականներից մինչև 1890-ական թվականների կեսերը 391411 դեկյատինից իջավ 264116 դեկյատինի։ Այնուամենայնիվ, Արևելյան Հայաստանում այդ հողատիրությունը դեռ զգալի էր։ Կալվածատիրական հողերի մեծ մասը գտնվում էր Զանգեզուրի, Շուշիի ու Ղազախի գավառներում ու Լոռիի գավառամասում։

Արևելյան Հայաստանում գերակշռում էր մանր կալվածատիրական հողատիրությունը։ 1894 թ. աղայական-բեգական երեք խոշոր շրջաններում (Զանգեզուրի, Ղազախի և Շուշիի գավառներում) կար 1533 տիրույթ, որոնցից 1191-ի տարածությունը չէր անցնում 50-ական դեկյատինից։ Միայն 56 տիրույթներից յուրաքանչյուրի տարածությունն էր կազմում 500-ական և ավելի դեկյատին⁶⁰։ Իբրև կանոն կալվածատերերը տիրում էին ամենաբերրի հողերին։ Կալվածատերերի մի մասը հարկադիր աշխատանքի հետ միասին օգտագործում էր նաև վարձու աշխատանքը։ Բայց նրանց մեծ մասը իր հողերը տալիս էր մշակելու գյուղացիներին⁶¹։

⁵⁸ Տե՛ս «Материалы для изучения экономического быта государственных крестьян Закавказского края», т. I, Тифлис, 1885, стр. 35; т. III, ч. I, стр. 72.

⁵⁹ Տե՛ս ՍՍՀՄ ԿՊՊԱ, ֆ. 1268, ց. 21, գ. 199, թ. 44։

⁶⁰ Տե՛ս «Сборник статистических данных...», стр. 87—101.

⁶¹ Տե՛ս նույն աղբյուր, Приложение 4, стр. 25, 86.

կալվածատիրական գյուղացիների տնտեսությունը 70-ական թվականներին հասնում էր 40850-ի, այսինքն կազմում էր ամբողջ գյուղացիության մոտ 28 տոկոսը: Նրանք հայտնի էին մուլքադարական, պետական մուլքադարական, թիուլդարական, վանքապատկան, թիուլամուլքադարական (Նրևանի, էջմիածնի, Սուրմալուի և Նոր Բայազետի գավառներում), բեգական, ազալարական, մելիքական (Զանգեզուրի, Շուշիի, Ղազախ-Շամշադինի գավառներում), խիզանական (Լոռիում) և այլ անուններով: 1870 թ. սեփոքմից հետո ալդ գյուղացիների մեծ մասը պաշտոնապես արդեն կոչվում էր «ժամանակավոր պարտապան», քանի որ մինչև իրենց հողաբաժինների փրկագնումը պարտավոր էր կատարել մի շարք կալվածատիրական պարտավորություններ:

Ռեֆորմը չրարելավեց կալվածատիրական գյուղացիների ո՛չ տնտեսական և ո՛չ էլ քաղաքական դրույթունը: 70-ական թվականների սկզբներին յուրաքանչյուր գյուղացիական տնտեսություն ուներ Զանգեզուրի գավառում 3,53, Ղազախի գավառում՝ 3,24, Նրևանի գավառում՝ 4,97, Նախիջևանի գավառում՝ 6,91, Նոր Բայազետի գավառում՝ 14,17, Սուրմալուի գավառում՝ 9,10, Շարուր-Պարավազյազի գավառում՝ 3,48, էջմիածնի գավառում՝ 7,13 դեա. տնտ. մեծը, ալդի, ջրարրի ու անջրդի վարելահող⁶²:

Այսպիսով, համարյա ամենուրեք գյուղացիներն ստացան 3—4 անգամ այսկա հողաբաժին, քան հայտարարվում էր 1870 թ. մայիսի 14-ի կանոնադրությամբ: Երկրի մի շարք շրջաններում կալվածատիրական գյուղացիների հողաբաժինն ավելի քիչ էր, քան պետական գյուղացիներին:

Ի տարբերություն պետական գյուղացիների, որոնք իրենց վարելահողերից օգտվում էին գերազանցապես համայնական կարգով, կալվածատիրական գյուղացիները օգտվում էին ծխային կարգով: Այդ հանգամանքը, անշուշտ, նպաստում էր հողի ներքաշմանը ապրանքակապիտալիստական հարաբերությունների ոլորտը: Սակայն արտատնտեսական հարկադրանքի բազմաթիվ ձևերը («ժամանակավոր պարտապան» հարաբերությունները, համապարտերաշխավորությունը, կալվածատիրոջ միջամտությունը գյուղացիների տնտեսական գործերին և այլն), որոնք պահպանվել էին ետեմֆորմյան տարիներին, լրջորեն խոչընդոտում էին գյուղում բուրժուական հարաբերությունների զարգացմանը:

Ցարական կառավարությունը 80—90-ական թվականներին մի շարք արևելքներ ընդունեց կալվածատերերի և գյուղացիների փոխհարաբերությունների մասին: 1879 թ. կանոններով կալվածատերերի հողերի վրա ապրող գյուղացիների հարկերն ու պարհակները վեր էին անվում դրամականի: Իսկ այնտեղ, որտեղ գյուղացիների մշակած հողերը պատկանում էին թև պետությունը և թև կալվածատերերին, կանոնագրեր կնքելիս պետք է մասնակցեր նաև պետության ներկայացուցիչը: 1887 թ. դեկտեմբերի 15-ի օրենքի համաձայն, եթե «բարձր դասին» չպատկանող կալվածատերերի հողերի վրա ապրող գյուղացիները տեղափոխվեն «բարձր դասին» պատկանող կալվածատերերի հողերը, ապա վերջիններս չպետք է ավելացնեին նրանց հարկերի ու պարհակների չափերը: 1889 թ. հրատարակված կանոններով այդպիսի գյուղացիներին նույնիսկ իրավունք էր տրվում պահանջել, որ իրենց հողաբաժիններն ավելացվեն այնքան, որ ամեն մի արական շնչին, անկախ տարիքից, հասնի

հինգ դես. հող: Այս բոլոր օրենքները, կալվածատիրության շահերը պաշտպանելով հանդերձ, ճանապարհ էին հարթում ապրանքադրամական հարաբերությունների զարգացման համար:

Եռոեֆորմյան տարիներին Արևելյան Հայաստանում պետական ու կալվածատիրական հողատիրության կողքին պահպանվել էր նաև վանական-եկեղեցական հողատիրությունը՝ ընդգրկելով 140.000 դես. հող, Բաջի Արևելյան Հայաստանից, էջմիածինն ընդարձակ կալվածքներ ունեւ Վրաստանում ու Ադրբեջանում, ինչպես նաև Ռուսաստանի տարբեր շրջաններում:

1870 թ. գյուղացիական ռեֆորմը 1879 թ. ղեկտեմբերի 13-ին տարածվեց Թիֆլիսի նահանգի Ախալցխայի, 1882 թ. ղեկտեմբերի 31-ին՝ Ելիսավետպոլի նահանգի հայկական վանական-եկեղեցական, իսկ 1886 թ. ղեկտեմբերի 3-ին՝ Գեղարդի վանքի ու Նախիջևանի Կարմիր վանքի գյուղերի վրա: Սակայն դա չվերաբերվեց Երևանի նահանգում գտնվող էջմիածնապատկան գյուղերին: Վանքը եռոեֆորմյան տարիներին շարունակում էր այդ գյուղերի բնակիչների ֆեոդալական շահագործումը: 1886 թ. էջմիածինը Երևանի նահանգում ունեւր 22000 դես. հող և հինգ գյուղ՝ 8435 բնակիչով: Այդ հողերից գյուղացիներին իբրև հողաբաժին տրվել էր 12 հազ. դեսյատինը, կամ շնչին՝ միջին հաշվով 1,4 դես. ամեն տեսակ հող:

Կալվածատիրական հողատիրությունը ինչպես Ռուսաստանում, այնպես էլ Արևելյան Հայաստանում խոշընդոտում էր հասարակության տնտեսական առաջընթացը:

Օսմանյան կայսրության 1858 թ. ապրիլի 22-ի հոդային օրենքով երկրի բոլոր հողերը բաժանվում էին հինգ կատեգորիաների՝ արագի-մեթրուքե, արազի-մեվաթ, արազի-միրի, վակֆային և մուլքային:

Արազի-մեթրուքեի մեջ մտնում էին ամառային ու ձմեռային արոտավայրերը (յալլաններ ու կշլակները), անտառները, շուկաները, փողոցները, քահաները, սրբավայրերը և այլն, իսկ արազի-մեվաթ հողերի մեջ՝ գյուղից կես ժամ հեռավորության վրա գտնվող սարերը, մացառուտներն ու ճահիճները: Ի տարբերություն արազի-մեթրուքեի, այս հողերը կարող էին անցնել անհատական օգտագործման. եթե մեկը մաքրում էր քարերը կամ չորացնում ճահիճները և այդպիսով մեռյալ հողամասը դարձնում պիտանի, իրավունք ունեւր մեկ, իսկ եթե շատ աշխատանք էր թափել, նաև երկու տարի օգտվելու դրանից, առանց պետությանը որևէ տուրք վճարելու: Այնուհետև յուրացված հողն անցնում էր արազի-միրի հողերի շարքը և օգտագործվում սրանց համար սահմանված կարգով:

Արազի-միրին գերազանցապես վարելահողերն ու մարգագետիններն էին: Եթե մեկը ցանկանում էր հող ձեռք բերել, դիմում էր տեղական իշխանություններին, որոնք հանձնարարում էին իրենց ենթակա պաշտոնյաներին՝ չափել հողամասը, որոշել նրա սահմանները, գնահատել այն և կատարել անհրաժեշտ գրանցումներ: Այնուհետև առաջարկվում էր դիմողին՝ մուծել պետական դրամարկղ սահմանված գումարը, որից հետո նրան տալիս էին անդորագրի (կոչան): Դա պայմանագրի նախնական ձևն էր. կազմվում էր երեք օրինակից, որոնցից մեկը տրվում էր դիմողին, երկրորդը մնում էր գավառի խորհրդում, իսկ երրորդն ուղարկվում էր Կոստանդնուպոլիս՝ բարձրագույն

իշխանություններին։ Հաստատման դեպքում դիմողին տրվում էր գնման կայ-
քագիր (թափու), որը պայմանագրի ավարտված ձևն էր։

Կայքագիր ունեցողը օգտվում էր հողամասից ցմահ և ժառանգաբար.
Համապատասխան իշխանությունների թույլտվությամբ կարող էր բաժանել
այն իր հարազատների և որդիների միջև, նվիրել, գրավ դնել, վաճառել, նրա
վրա շենքեր կառուցել, ծառեր տնկել և այլն։

Մուլֆային հողերը կազմում էին առանձին անհատների սեփականություն-
ներ։ Տերերը իրավունք ունեին զրանք վաճառել, գրավ դնել կամ ժառանգել։
Մուլքային հողերը կարող էին անցնել արագի-միրի հողերի շարքը, եթե նրանց



Կարինի ընդհանուր տեսարանը

տերերը մեռնում էին անժառանգ, բայց արագի-միրի հողերն էլ իրենց հեր-
թին կարող էին անցնել մուլքային հողերի շարքը, եթե նրանց տիրողները,
իշխանությունների թույլտվությամբ, կառուցում էին շենքեր կամ զցում աշ-
գիներ։

Վակֆային հողերը մահմեդական հողերու հաստատության անձեռնմխելի
ունեցվածքն էին։ Դրանք չէին կարող լինել մասնավոր սեփականություն, զեմելը
կամ վաճառվել։ Այդ հողերը տրվում էին դուռապաններին վարձակալությամբ,
իսկ եկամուտը հատկացվում էր կրոնական հաստատություններին։

Ինչ վերաբերում է հայոց վանական-եկեղեցական հողատիրությանը, ապա
թուրքական կառավարությունն այն համարում էր անժառանգ (մահլուլ) և չէր
արգելում, եթե մեկը փորձեր սեփականացնել այն։ Վանքերի ու եկեղեցիների
կալվածքների ընդհանուր ղեկավարությունը գտնվում էր Կ. Պոլսի հայոց
պատրիարքարանի ձեռքում։ Դրանց անմիջական կառավարիչները զավառների
հողերու առաջնորդներն ու վանքերի միաբաններն էին, որոնք, օգտվելով սուլ-
թանի թողտվությունից, վանական հողերը ձեռակերպում էին իրենց անուն-
ներով։

Այսպիսով, թանգիմաթի տարիներին հրապարակված թուրքական հողային օրենքը չէր ոչնչացնում միջնադարից եկող պետական, մասնատիրական և վանքապատկան-մզկիթապատկան հողատիրությունը: Դրանցից տիրապետողն Արևմտյան Հայաստանում աղայական-ֆեոդալական հողատիրությունն էր, որը բացատրվում է ոչ միայն ասլանբադրամական հարաբերությունները թույլ զարգացումով, այլ նաև թուրքական կառավարության ազգահայած քաղաքականությամբ: 1877—1878 թթ. ռուս-թուրքական պատերազմից հետո Արդու Համիդ II-ը, նպատակ ունենալով ամրապնդել իր սոցիալական հենարանը, սրել հայ-բրդական հակասությունները և օգտագործել բուրգ աղաների նյութական ու ուղմական հնարավորություններն ընդդեմ արևմտահայ բնակչության ազատագրական շարժումների, համալրեց ֆեոդալների դասակարգը և նպաստեց նրա հողորացմանը: Ֆեոդալների դասակարգը մասամբ ամրապնդվեց թանգիմաթի տարիներին Արևմտյան Հայաստանից արտաքսված աղաներին ու նրանց ժառանգորդներին կրկին ետ վերագործնելու, իսկ ավելի շատ «համիդիե զնդեր» («համիդիե») կազմակերպելու ճանապարհով: Սուլթանն արտոնություններ էր տալիս այդ զնդերը մտնող բրդական ցեղապետներին ու խրախուսում, որ բռնագրավեն հայկական հողերը: XIX դարի վերջին, հատկապես 90-ական թվականների ջարդերի տարիներին, աղաները վեց նահանգներում հայ գյուղացիներից բռնագրավեցին 1.030.000 օրավար (741.600 հեկտար) հող, որից 100.000 օրավարը՝ Կարինի, 200.000-ը՝ Խարբերդի, 80.000-ը՝ Սեբաստիայի, 200.000-ը՝ Դիարբեքի, 100.000-ը՝ Վանի, 350.000-ը՝ Բիթլիսի նահանգներում⁶³, Աղաները բռնագրավեցին նաև քուրդ ու թուրք գյուղացիների հողերը և ամբապնդեցին իրենց տնտեսական հզորությունն ու քաղաքական ազդեցությունը:

Բրդական ցեղապետներից շատերը կատարում էին աշխարհիկ ու հոգեվոր առաջնորդի դեր: Նրանք ունեին զգալի թվով ուղղմիկներ (ղուամներ), որոնց օգտագործում էին նոր հողեր ու գյուղեր բռնագրավելու, խաղաղ բնակիչներին թալանելու և նրանց ազատագրական շարժումները ճնշելու համար: Ղուամները ցեղապետի «հավատարիմ» զերիններն են կամ կույր գործիքները, — ասված է վավերագրերից մեկում, — թե հրամայն զարնել, կը զարնեն, կողոպտել՝ կը կողոպտեն, սպանել՝ կը սպանեն և այլն: Սորա գրեթե ոչ բնավ երկրագործությամբ և արհեստով կը զբաղին, և ոչ իսկ շատ տեղեր հաստատ բնակություն ունին, այլ զեն ի ձեռին կը շրջին ամենուրեք... կը հափշտակեն երկրագործ հայ ժողովրդեան պարենը, կգողնան նոցա դուստը, կայրեն նոցա ցորենի օրաները և խոտի գլեղերը, և կը բռնաբարեն նոցա պատիւն ու կյանքը»⁶⁴:

Թուրքական կառավարությունն ուղղակի և անուղղակի միջոցներով արգելադրում էր քրիստոնյաներին, հատկապես հայերին, անցնել հողատերերի շարքը: Եթե 80-ական թվականներին հատկապես վասսալությանում ու Խարբերդում որոշ թվով հայեր ձեռք էին բերել հողային կալվածքներ, ապա 90-ական թվականների ջարդերի տարիներին նրանք կամ բնաջնջվեցին, կամ զրկվեցին այդ կալվածքներից:

63 Տե՛ս Գ. Տեր-Կարապետյան, Հողային հարցը հայաբնակ նահանգներում մեջ, Կ. Պոլիս, 1911, էջ 43—44:

64 Լեւո, Հայոց հարցի վավերագրերը, Թիֆլիս, 1915, էջ 143:

Գյուղացիների հողերը բռնագրավելիս աղաները նրանց մի մասին հողաբաժիններ հատկացրին՝ նպատակ ունենալով իրենց ապահովել մշտական աշխատուժով, Սակայն գյուղացիների ղզալի մասին նրանք զրկեցին հողից։ Դրա հետևանքով աճեց հողազուրկ գյուղացիների զանգվածը՝ մարաբա ընդհանուր անուժով⁶⁵, Այս գյուղացիների մի մասը վարձվում էր հողատերերի ու հարուստների մոտ և այդպիսով հիմք դնում բատրակների կամ գյուղական պրուլետարների բանակին։ Բայց նրանց ճնշող մեծամասնությունը ենթարկվում էր ֆեոդալական շահագործման։

Արևմտյան Հայաստանում մարաբաների մի մասն ուներ բանող անասուններ և երկրագործական գործիքներ, իսկ մյուսը՝ ուշինչ չունեի։ Նրանք վարձակալում էին աղաների հողը տարբեր պայմաններով, մի ղեպքում աղալից վերցնում էին միայն հող, մի այլ ղեպքում՝ նաև սերմացու, երրորդում՝ նաև եղներ ու գյուղատնտեսական գործիքներ։ Աղաների ու մարաբանների հարաբերությունները հաճախ վեր էին ածվում իսկական ճորտական հարաբերությունների։ Կալվածատերերը ոչ միայն արգելում էին իրենց մարաբանների տեղաշարժերը, այլև նրանց վաճառում ու գնում էին, նույնիսկ սպանում։ Ականատեսների վկայությամբ Տարոնում աղաները «սկսան իրենց միլիալ՝ ճորտ հայերը իրարու ծախել կամ նուիրել»⁶⁶, Մարաբանները համարյա ճորտական կացության մեջ էին դրված նաև Խարբերդի դաշտում ու այլ վայրերում⁶⁷։

Սուլթանական կառավարության վարած քաղաքականության հետևանքով երկրի մի շարք շրջաններում արևմտահայ այն գյուղացիները, որոնք XIX դարի կեսերին ազատ էին ֆեոդալական կախումից, մեծ մասամբ ընկան աղաների ու բեկերի իշխանության տակ և դարձան կիսազատներ, իսկ կիսազատները՝ ճորտեր։ Իշխանություններն ու աղաները ուղղակի արգելում էին հայ գյուղացիների տեղափոխությունները։ Եթե պատահում էր, որ գյուղացիները հեռանում էին առանց աղալի գիտության, ապա բռնությամբ ետ էին վերադարձվում ու պատժվում։ 1891 թ. մարտի 22-ին Կարինի ռուսական զլխավոր հյուպատոս Կ. Պոլսի իր ղեկավարին գրում էր. «Տեղական իշխանությունները Ալաշկերտի հայերից ոչ մեկին թույլ չեն տալիս հեռանալու գավառի սահմաններից և նույնիսկ անցնելու մի գյուղից մյուսը»⁶⁸։

Սակայն XIX դարի վերջին հողային հարաբերությունները տարբերվում էին միջնադարյան ֆեոդալական հարաբերություններից։ Եթե առաջ Արևմտյան Հայաստանում տիրապետում էր ռազմականային հողատիրությունը, ապա այժմ զարգանում էր կալվածատիրական հողատիրությունը, որն արգեն ներգրավվել էր այրանքադրամական հարաբերությունների մեջ։ Աղաները կապվում էին շուկայի հետ։ Նրանք վաճառում էին գյուղատնտեսական մթերքներ կապիտալ շահելու, իսկ գյուղացիները՝ հարկերը վճարելու համար։

Արևմտյան Հայաստանում մասնատիրական ֆեոդալական հողատիրությունից բացի նշանակալի հողային տարածություններ ունեին նաև կրոնական

65 Տե՛ս Ա. Ս. Համբարյան, Ագարային հարաբերությունները Արևմտյան Հայաստանում (1856—1914), Երևան, 1965, էջ 216—217։


66 Սարգիս և Միսակ Բզեյան, Հարազատ պատմություն Տարոնոյ, խմբագրեց Ազան Տարոնեցի, Գահիրե, 1962, էջ 9։

67 Տե՛ս А. М. Козлюбакин, Материалы для военно-статистического обозрения Азиатской Турции, т. III, ч. 1, Тифлис, 1891, стр. 386—389.

68 ՌԱՍԱ, ֆ. «Քաղաքական», 1889—1894, գ. 1630, ք. 90—91։

հաստատությունները: Վանի նահանգի ս. հաշ վանքը 70—80-ական թվականներին ուներ 12 արտ, այգիներ ու պարտեզներ, ս. Վարազա վանքը՝ 150 դես. վարելահող, մեծ քանակությամբ անասուններ: Ընդարձակ տարածություններ ունեին նաև ս. Նարեկա, ս. Առաքելոց, ս. Կարապետ, ս. Հովհաննես, ս. Սորաորու, ս. Դատեմի, ս. Աստվածածնի Կարմիր ու այլ վանքեր⁶⁹:

1890-ական թվականներին աղաները ձեռնամուխ եղան վանքապատկան հողերի բռնագրավմանը: Նրանք քանդում ու ավերում էին վանքերն ու եկեղեցիները⁷⁰, հաճախ էլ դարձնում իրենց հարկատուն: Հարկ է նկատել, որ հայոց հողերի եկամուտների հաշվին էին պահվում ազգային դպրոցներն ու կուլտուր-լուսավորական հաստատությունները:



հարբերդի ընդհանուր տեսարանը

XIX դարի 60—70-ական թվականներին Արևմտյան Հայաստանում պետական հողերն զգալի տարածություններ էին զբաղեցնում, սակայն հաջորդ տասնամյակներում աղաների հափշտակումների հետևանքով դրանք խիստ նվազեցին և մի շարք գավառներում բոլորովին անհետացան: 1899 թ. «Մուրճը» գրում էր, որ Թուրքիայի հայաբնակ վայրերում «պետական ազատ հողեր շատ քիչ կան, կարելի է ասել, թե բոլորովին չեն մնացել, որովհետև դրանց մեծ մասը օրինական թէ անօրեն ճանապարհներով զանազան թիւրք ու շերքեղ քեղերի ու աղաների ձեռքն են անցել, նրանց սեփականութիւնը դարձել»⁷¹:

69 ՏՆ՝ս Մ. Միքայելյան, Նկարագրական ուղեորություն ի հայաբնակ գավառս Արևելյան Տաճկաստանի, մասն Բ, էջ 84, մասն Գ, էջ 175, Ա-Դա, Վանի, Բիթլիսի և Էրզրումի վիլայեթները, Նիսան, 1912, էջ 23—24, 56, 2. Ոսկյան, Վասպուրական-Վանի վանքերը, Վիեննա, 1940, մասն Ա, 1942, մասն Բ:

70 «Բյուզանդիոն», 1908, հոկտեմբերի 9 (№ 3669):

71 «Մուրճ», 1899, № 10, էջ 1209:

Պետական հողերի վրա բնակվող գյուղացիները 1858 թ. հողային օրենքով իրենց հողաբաժինների համար պարտավոր էին ունենալ կայքագիր, բայց պաշտոնյաների շարաշահումների պատճառով երկար տարիներ չէին կարողանում ձեռք բերել այն: 1867 թ. մայիսի 21-ին սուլթան Աբդուլ Ազիզը հատուկ օրենքով պարտադրեց գյուղացիներին՝ վճարել պետության իրենց եկամտի 15%-ը և ստանալ կայքագիր: 1872 թ. կառավարության առաջարկեց ստուգել կայքագրերը և շունցողներին պարտադրեց ձեռք բերել դրանք: Դա, անշուշտ, նպատակ ուներ ոչ այնքան իրավականորեն ձևակերպել գյուղացիների հողաբաժինների չափը, որքան մեծացնել պետության եկամուտները:

Թուրքական իշխանությունների անմիջական միջամտությամբ ու հարկադրանքով 70—90-ական թվականներին Արևմտյան Հայաստանի գյուղացիների միայն մի մասը կայքագրեր ձեռք բերեց: 1880-ական թվականներին Գ. Սրվանձությանը նշում էր, որ Դիարբեքի Նահանգում «բիշ հողեր կան թափու եղած ժողովրդական վրա», իսկ Չարսանջակում «միայն Մեծկերտը և Աղձով գեղերու հայք և չնչին մաս մ'ալ բերդակցիք իրենց վրայ թափու ունին»⁷²:

Արևմտյան Հայաստանի գյուղացիները վարելահողերից, այգիներից ու բանջարանոցներից օգտվում էին ծխական, իսկ արոտավայրերից համայնական կարգով:

Սուլթանական կառավարության քաղաքականության հետևանքով արևմրտահայ գյուղացիության մեծամասնությունը առավելապես կախյալ և մի զգալի չափով ճորտական վիճակում տառապում էր ֆեոդալական կապանքներում: Ֆեոդալական կախումից ազատ գյուղացիների թիվը քիչ էր:

Հարկերն ու պարճակները: Ցարական կառավարությունը, տեղական կալվածատերերն ու կրոնական հաստատությունները հավաքում էին գյուղացիներից զանազան հարկեր ու տուրքեր, ինչպես նաև ստիպում նրանց կատարել պարճակներ ու աշխատավճարներ: Կառավարությունը գյուղացիներից վերցնում էր պետական հարկեր (ծխահարկ, հողահարկ) և երկրային տուրք (земельный сбор), ապա հարկադրում նրանց վճարել հասարակական հարկեր՝ գյուղի վարչական ապարատի (տանուտիրոջ, նրա օգնականների, գրագրի, ցրիչի), ինչպես նաև քահանայի, գիշերային պահակի ու հանդապահի պահպանման համար: Երկրի տարբեր շրջաններում այդ հարկերի չափերը տարբեր էին. 80-ական թվականների կեսերին յուրաքանչյուր գյուղացիական տնտեսությունն Ալեքսանդրապոլի գավառում վճարում էր 3,50 ռուբ. պետական հարկ, 5,75 ռուբ. երկրային տուրք և 3,87 ռուբ. հասարակական հարկ, իսկ Երևանի գավառում համապատասխանաբար՝ 5,96 ռուբ., 6,82 ռուբ. և 3,28 ռուբ.: Նրանք կատարում էին բազմաթիվ նախատեսված և չնախատեսված հարկադիր աշխատանքներ (ճանապարհների կառուցում, պաշտոնյաներին, զինվորականներին, ոստիկաններին բնակարանի ու փոխադրական միջոցների հատկացում և այլն):⁷³

72 Գ. Սրվանձությանց, Թորոս աղբար Հայաստանի ճամբորդ, մասն Բ, Կ. Պոլիս, 1884, էջ 141, 191:

73 ՍՄՁՄ 400Ա, ֆ. 396, ց. 2, գ. 1160: Տե՛ս «Приложение к записке уполномоченного министра государственных имуществ на Кавказе Я. С. Медведева, представленной в комиссию по составлению проекта законоположений о поземельном устройстве государственных поселян Закавказского края».

Պետական հարկերն իրավականորեն բաշխվում էին ըստ հողի պտղաբերության. նահանգը բաժանվում էր գոտիների և սահմանվում էր դրանցից յուրաքանչյուրի հարկի չափը. Գործնականում այդ սկզբունքը ռոտահարվում էր, և հարկերը բաշխվում էին կամայականորեն, Երբեմն երկրամասի սակավաբեր շրջանները ևս զրկվում էին ծանր հարկերի տակ⁷⁴:

Հարկային լուծը համարյա ամբողջովին ընկած էր գյուղացիության վրա: XIX դարի 80-ական թվականների կեսերին Զանգեզուրի գավառում կալվածատերերը 17 դես. հողի համար վճարում էին մեկ ուրլի, իսկ գյուղացիները 1 դես. հողի համար՝ 1 ուրլ. 50 կոպ.: Այդ ժամանակամիջոցում Երևանի նահանգում ու Զանգեզուրի գավառում հարուստ գյուղացիների վճարած հարկերն ու տուրքերը կազմում էին նրանց ծախսերի 2,2%-ը, այն դեպքում, երբ միջակներինը կազմում էր 5%-ը, իսկ լուճեւորներինը՝ 18,4%-ը:

Ինչպես երկրամասի այլ շրջաններում, այնպես էլ Արևելյան Հայաստանում ցարիզմը շարունակում էր բարձրացնել հարկերը և միայն հինգ տարվա ընթացքում (1871—1876) Երևանի գավառում յուրաքանչյուր ընտանիքի տուրքը 5 ուրլ. 61 կոպ.-ից հասավ 6 ուրլ. 47 կոպեկի⁷⁵:

1887 թ. Կարսի մարզում կառավարությունը տասանորդը փոխարինեց ըդամահարկով և 16 տարվա ընթացքում (1884—1900) հարկային գանձումները 277.696 ուրլուց հասան 377.952 ուրլու⁷⁶: 1890 թ. Երկրային տուրքը տարածվեց նաև Արևելյան Հայաստանի այն մասի վրա, որը մինչ այդ ազատ էր դրանից, Իշխանությունները ուղղակի հարկերի հետ բարձրացնում էին նաև անուղղակի հարկերը՝ ծխախոտից, սպիրտային խմիչքներից, աղից ու այլ առարկաներից գանձվող դումարները: Արևելյան Հայաստանում գյուղացիների հարկերը հետզհետե բարձրանում էին, իսկ հողաբաժինները կամ մնում էին անփոփոխ, կամ բնակչության բնական աճի և այլ հանգամանքների հետևանքով փոքրանում էին: Հարկային հարստահարումը հանգեցրել էր այն բանին, որ շատ հաճախ շինականները հողաբաժնի համար վճարում էին ավելի, քան նրանց եկամուտներն էին:

Գյուղացիների դրությունը վատթարանում էր նաև նրանով, որ ցարական պաշտոնյաները պետական հարկերը հավաքելիս թույլ էին տալիս զանազան չարահույժներ: Նրանք գյուղացիներից ավելին էին վերցնում, քան սահմանված էր օրենքով: Հարկային հարստահարությունները և պաշտոնյաների չարահույժները տնտեսապես քայքայում էին գյուղացիներին⁷⁷: Ավելի ծանր էր կալվածատիրական գյուղացիների վիճակը: Պետական հարկերն ու տուրքերը վճարելուց բացի, նրանք ստիպված էին կատարել ռիբնեց՝ մուլբադարների, թիւղդարների, մելիքների, բեգերի ու աղաների օգտին սահմանված բոլոր վճարումները:

Համաձայն 1870 թ. մայիսի 14-ի կանոնադրության, գյուղացիները մուլբադարներին պետք է վճարեին բահրա՝ գյուղատնտեսական մթերքների 4/30-ը և դրամ՝ յուրաքանչյուր 10 բաթման (360 քառ. սաժեն) բանջարանոցի համար

74 Տե՛ս «Материалы...», т. 1, стр. 572—573.

75 Տե՛ս ՍՍՀՄ ԿՊՊՍ, §. 1268, ց. 19, գ. 62, թ. 75—78.

76 Տե՛ս «Всеподданнейший отчет о состоянии Карсской области за 1884 г.», Приложение № XI, «Обзор Карсской области за 1900 г.», стр. 11.

77 Տե՛ս Մ. Եգեցյան, Հայաստանի ետնֆորմյան ագրարային հարաբերությունները, Երևան, 1964, էջ 106—110:

80 կոպ., այգու համար՝ 1 ուրբ. 20 կոպ., կամ՝ ամեն մի դեպատին րանջարանոցի համար՝ 3 ուրբ. 20 կոպ., իսկ այգու համար՝ 4 ուրբ. 80 կոպ.: Նույն կանոնադրությամբ գյուղացիները բեզերին ու աղաներին պետք է վճարեին մալահաթ՝ իրենց գյուղատնտեսական մթերքների $\frac{1}{3}$ -ը և կոտ՝ տարվա մեջ ութ օր աշխատեին նրանց համար կամ դրա դիմաց պետք է (փոխադարձ համաձայնության դեպքում) դրամ տային. բեզերին՝ յուրաքանչյուր դեպատին պիտանի հողի համար 30 կոպ., իսկ աղաներին ու մեխերներին՝ 15 կոպ.: 1875 թ. կանոններով շինականները թիուղարներին պետք է վճարեին քնավճար ունտա՝ իրենց գյուղատնտեսական մթերքների $\frac{1}{3}$ -ը և դրամավճար ունտա՝ յուրաքանչյուր տնտեսությունից տարեկան 2 ուրբ. 50 կոպ.: 1877 թ. կանոններով գյուղացիները «բարձր դասին» չպատկանող հողատերերին պետք է վճարեին փոխադարձ համաձայնությամբ, իսկ հակառակ դեպքում՝ հաշտարար միջնորդի որոշումով:

Սակայն հողատերերը չէին բավարարվում 1870 թ. մայիսի 14-ի կանոնադրությամբ սահմանված շափերով: Հենվելով իրենց տնտեսական ուժի վրա և օգտվելով տեղական իշխանությունների պաշտպանությունից, հաճախ նրանք պահանջում էին գյուղացիներից ավելին և ստիպում տալ զանազան «եմվերներ»:

Հողատերերը շահագործում էին գյուղացիներին նաև կապալային եղանակներով, իրենց հողերը վարձակալության տալով նրանց: Այդ հողերը տարբեր տեղերում հանձնում էին տարբեր պայմաններով: Երբեմն տալիս էին աշխատավճարով այն պայմանով, որ գյուղացիները մշակեն նրանց վարձակալությամբ չտրված հողերը: Կալվածատերերը երբեմն գյուղացիներից վերցնում էին գյուղատնտեսական մթերքներ (Սուրմալուի գավառում՝ բերքի $\frac{1}{2}$ — $\frac{1}{4}$ -ը, Էջմիածնի գավառում՝ $\frac{1}{30}$ -ը, Երևանի գավառում՝ $\frac{1}{2}$ — $\frac{1}{6}$ -ը և այլն): Շատ դեպքերում նրանք վերցնում էին անգամ հարգը: Եթե հողատերերը հողի հետ միասին տալիս էին նաև սերմացու կամ անասուններ, ապա ստանում էին ավելի մեծ բաժին և վերցնում էին նաև դրամ: 1887 թ. նրանք մեկ դեպատին միջին պտղատուությամբ հողի համար վերցրին Երևանի գավառում՝ 10, Էջմիածնի գավառում՝ 15 ուրբ.: Վերջապես, հողատերերը գյուղացիներից տուրք էին վերցնում խառը ձևով՝ ինչպես աշխատավճարով, այնպես էլ արդյունավճարով ու դրամավճարով: Այդ բոլոր ձևերից ամենածանրը քնավճարն էր, որը դրամավճարի համեմատությամբ մոտ երկու անգամ թանկ էր նստում շինականների վրա:

Ետեմֆորմյան տարիներին ծանր հարստահարման էին ենթարկվում հայկական վանքապատկան ու եկեղեցական գյուղացիները: 1870 թ. մայիսի 14-ի կանոնադրությունը տարածվեց Թիֆլիսի նահանգի Ախալցխայի գավառի, Ելիսավետպոլի նահանգի, Գեղարդի վանքի ու Նախիջևանի Կարմիր վանքի հայկական վանքապատկան գյուղերի վրա: Նրանց բնակիչներին պարտադրվեց հայոց կրոնական հաստատությունների օգտին կատարել այն վճարումները, ինչ կատարում էին Երևանի, Ելիսավետպոլի ու Բարքի նահանգների կալվածատիրական գյուղացիները: Մայիսի 14-ի ռեֆորմը չվերադրվեց Էջմիածնի վանքապատկան հինգ գյուղերում (Վաղարշապատ, Օշական, Նզվարդ, Մաստարա, Մուղնի): Այդ գյուղերի բնակիչները դեռևս 1836 թ. եկեղեցական կանոնադրության համաձայն, «ազատված էին» արքունական հարկերից: Կառավարությունը քաղաքական որոշ նկատառումներով իրավունք էր տվել Էջմիածնի վանքին՝ իր օգտին հավաքել նաև այն հարկերն ու տուրքերը, որոնք վան-

քապատկան գյուղացիները պետք է տալին պետությանը, էլ միաձին վանքը, օծոված լինելով մուլքադարական ու թիուղարական իրավունքներով, յուրաքանչյուր տարի իր գյուղերից վերցնում էր՝ իբրև մուլք նրանց գյուղատնտեսական մթերքների $\frac{1}{30}$ -ը, իբրև թիուլ՝ $\frac{1}{30}$ -ը, այգիների յուրաքանչյուր սոմարից՝ (1 սոմարի վրա ցանվում էր 10 բաթման, իսկ բաթմանը 10 ֆունտ է) 1 ու 20 կոպ., բոստանների սոմարից՝ 80 կոպ. և դրամական հարկ՝ ամեն մի տնտեսությունից 4 ու 25 կոպ.: Այդ բոլորից բացի պարտադրում էր գյուղացիներին կատարել նաև զանազան աշխատավճարներ, Հոգևորականությունը հարստահարում էր գյուղացիության նաև մյուս զանգվածներին՝ ինչպես պետական, այնպես էլ կալվածատիրական շինականներին:

XIX դարի վերջին հարկային հարստահարման էր ենթարկվում նաև Արևելյան Հայաստանի քաղաքային բնակչությունը: 1843 թ. հունվարի 26-ի գործող օրենքի համաձայն հարկային միավոր համարվող ծխից զանձվում էր տարեկան ավելի քան 2 ուրլի: Քաղաքային բնակիչներից հավաքվում էր նաև երկրային տուրք, որն արտահայտվում էր ինչպես դրամով, այնպես էլ աշխատավճարով: Իշխանությունները հարկի տակ էին դրել նաև բնակարանները, այգիները, բանջարանոցները, արհեստագործական ու առևտրական կրպակները և այլն: Դրանց մեջ միայն ծխահարկն էր կայուն, իսկ մյուսները տարբեր ժամանակներում կաղմել են տարբեր դումարներ: Պետական ծխահարկը Անդրկովկասում և Արևելյան Հայաստանում հավաքվեց շուրջ 50 տարի: 1893 թ. դեկտեմբերի 27-ի օրենքով այն փոխարինվեց անշարժ գույքի հարկով, որի չափը որոշվում էր քաղաքացիների ունեցած անշարժ գույքով ու նրա եկամտով⁷⁸: Այդ փոփոխությունը պետությանն ավելի շատ եկամուտներ բերեց, քան նա ստանում էր ծխահարկից: Նոր հարկի հետ միասին կառավարությունը շարունակում էր հավաքել նաև տների ու կրպակների, արհեստանոցների ու սպանդանոցների վրա դրված հին հարկերը, ինչպես և երկրային տուրքը: Յարիզմը բնակչությունից ամեն տարի հսկայական գումարներ էր գանձում իբրև երկրային տուրք և հայտարարում, որ դրանք ծառայելու են երկրամասի տնտեսական ու կուլտուրական բարելավմանը, բայց իրականում այդ գումարները ծախսվում էին ինքնակալության վարչական ու ոստիկանական ապարատի պահպանման և տեղական ժողովուրդների ազատագրական շարժումների ճնշման նպատակներին:

XIX դարի վերջին թուրքական իշխանություններն ու աղաները արևմտահայ գյուղացիներին ենթարկում էին անլուր կեղեքման ու հարստահարման: Օգտագործելով բնակիչների անձի ու գույքի անապահովությունը, նրանց ավազակային հորդաները պարբերաբար հարձակվում էին գյուղացիների վրա, սպանում էին, տանում ունեցվածքը, որբացնում ու սովի մատնում երեխաներին:

Աղաները շինականներից հավաքում էին ինչպես հարկ, այնպես էլ ֆեոդալական ոռնտա: Հարկը հավաքում էին բռնությամբ, թալանչիական արշավանքների և կշակության միջոցով: Քրդական ցեղապետների շատերը աշնանն իջնում էին սարերից և իրենց ցեղակիցների ու անասունների հետ ձմե-

78 Տե՛ս Թ. Խ. Հակոբյան, Երևանի պատմությունը (1879—1917 թթ.), էջ 197:

ռում նստակյաց ժողովուրդների, գերազանցապես հայկական գյուղերում: Բնակիչներն ահ ու սարսափի տակ հարկադրված էին կերակրել նրանց: Կշկուկությունը հիմնականում տարածված էր Աղբակում, Մուշում, Վարդգյում, Խնուսում, Բուլանջիում, Մանազկերտում և այլ տեղերում:

Աղաները հարկը հավաքում էին նաև խաֆիրության միջոցով՝ նրանք իրենց հայտարարում էին գյուղացիներին կողմնակի հարձակումներից «պաշտպանողներ», որի համար ստիպում էին վճարել որոշակի հարկեր ու տուրքեր: XIX դարի վերջին խաֆիրությունն արտահայտվում էր երկու ձևով, Մի գեպքում գյուղացիները որպես հողատերեր հարկատու էին աղաներին, մյուս գեպքում, նրանք հողազուրկ լինելով, դառնում էին աղաների փաստացի ճորտերը: Աղաները արգելում էին այդ գյուղացիների տեղաշարժերը, կառավարում ու դատում, գնում ու վաճառում, ծեծում ու անգամ սպանում էին, առանց որևէ մեկի առաջ պատասխան տալու: Խաֆիրությունը տարածված էր Սասունում, Խուսում, Մուշում, Խիզանում, Մոկսում, Շատախում, Բռնաշենում և այլ վայրերում: Աղաները ֆեոդալական ունեւոր հավաքում էին իրենց հողերի վրա բնակվող գյուղացիներից՝ գերազանցապես բնավճարով ու դրամավճարով: Սասունում նրանք իրենց ճորտ գյուղացիներին բաժանել էին հարուստ, միջակ ու աղքատ խմբերի և յուրաքանչյուր խմբից պահանջում էին պարտավորություններ ըստ նրանց կարողության⁷⁹: Աղաները ունեւոր էին ստանում նաև իրենց հողատարածությունները կիսարությանմբ կամ վարձակալությամբ տալու ժամանակ, վերցնելով մի տեղում բերքի 1/10-ը (Կարնո գաշտում), մյուսում՝ 1/2-ը (Մանաշքուտում և Ճապաղջուտում), երրորդում՝ 2/4-ը (Բուլանջիում) և այլն⁸⁰: Երկրի մի շարք շրջաններում (գլխավորապես Տարոնում) նրանք ստիպում էին կիսարաներին կամ մարաբաներին կատարել իրենց տնային ու դաշտային համարյա բոլոր աշխատանքները: Ֆեոդալները ստանում էին այնքան ունեւոր, որքան կարողանում էին, քանի որ պետության կողմից չկար որոշակի սահմանված շտի: XIX դարի վերջին քառորդում Արևմուտյան Հայաստանում գերիշխում էր բնավճար ունեւոր:

Արևմտյան Հայաստանի գյուղացիները զանազան հարկեր էին տալիս նաև պետությանը: Նրանք վճարում էին տասանորդ (աշար, ուշար), տարեկան հարկ (սալյանև), որը 1872 թ. փոխարինվեց կալվածահարկով (էմլաք) և վաստակահարկով, եկամտահարկով (թեմեթու), ոչխարի հարկ (աղնամ-րեսմի), դինվորական հարկ (բեդելի-ասկերի) և այլն:

70-ական թվականներին տասանորդը հավաքվում էր գյուղացիների ստացած բերքից՝ ցորենից, գարուց, բրնձից, բանջարաբուստանային և այգեգործական մթերքներից, տեխնիկական կուլտուրաներից, խոտից: Ռուս-թուրքական պատերազմից հետո տասանորդը արդեն բնամթերքով հավաքվում էր միայն հացահատիկից, իսկ մնացած բերքից բնամթերքի փոխարեն հավաքվում էր դրամ:

Կալվածահարկը վերցվում էր գյուղացիների անշարժ գույքից՝ հողամասից, տնամերձ հողակտորից, կալից, տնից և այլ կառույցներից՝ 1000 ղուրուշ արժեքից 4—10 ղուրուշ:


Վաստակի հարկը կամ եկամտահարկը գանձվում էր գյուղացիների

79 «Մասիս», 1872, մայիսի 18 (№ 1239):

80 «Դիվան հայոց պատմության», գիրք ԺԳ, Քիֆլիս, 1915, էջ 126:

կողմնակի զբաղմունքներից (առևտրից, արհեստից) ստացած եկամուտներից, դրանց 3—5%-ի չափով։ Ոչխարի հարկը վերցվում էր ոչխարների գլխաքանակից՝ յուրաքանչյուր գլխից երեք զուրուշ։ Զինվորական հարկ գանձվում էր միայն քրիստոնյաներից, զինվորական ծառայության փոխարեն՝ յուրաքանչյուր տղամարդուց (անկախ տարիքից) տարեկան քսան զուրուշ։

Կառավարությունը հարկեր ու տուրքեր էր վերցնում նաև զանազան գործարքների համար։ Գյուղացիին պարտավոր էր հողը վաճառելիս վճարել օտարման հարկ (ֆերադ)՝ հողի արժեքի յուրաքանչյուր 1000 զուրուշից 25 զուրուշ, կայքագիր վերցնելիս՝ կայքագրի հարկ (թափու-վերգսի)՝ 6 զուրուշ, հացահատիկ վաճառելիս՝ հացահատիկի հարկ (թիւն-փարասի)՝ յուրաքանչյուր թիւնից (1 թիւն = 7—8 փթի) 1 փարա (5 փարան = 1,03 կոպ.), հողը ժառանգությամբ ստանալիս՝ փոխանցման հարկ (ինթիհալ)՝ այդ հողի արժեքի 4—10%-ը և այլն։



Գիարբեմիի բնդհանուր տեսարանը

Այդ բոլոր հարկերից ամենածանրը տասանորդն էր։ Հարկերը հավաքում էին պաշտոնական հարկահավաքներն ու տանուտերերը, իսկ տասանորդը՝ կապալառուները, որոնք սովորաբար աղաներն ու բեյերն էին։ Նրանք վարձակալում էին ոչ միայն ամբողջ գյուղախմբերի, այլև զավառակների տասանորդի հավաքման իրավունքը և այն տալիս մանր կապալառուներին, սրանք էլ՝ ավելի մանրերին և այդպիսով կառավարության ու գյուղացիության միջև առաջանում էր միջնորդների մի ամբողջ աստիճանավորում։ Խոշոր կապալառուները, որոնք կոչվում էին մյուլթեգիմներ, կապված էին պետական ու նահանգական բարձրաստիճան կառավարիչների հետ և իբրև հողատերեր մեծ ազդեցություն ունեին բնակչության վրա։ Անգամ քաղաքային զրամատերերը չէին համարձակվում աճուրդի ժամանակ մրցման մեջ մտնել նրանց հետ։ Ականատեսներից մեկը գրել է. «Երբ մոտենում է աճուրդի ժամանակը, քիչը կամ առնառաք լուր են տարածում, որ այս ինչ բեկն է գնելու աշարը։ Ո՞վ է գծվել, որ յանգզնի աճուրդին մասնակցել. մասնակցողի կենանքն ու գույքը

վտանգի մեջ կը լինի անպատճառ: Բոլորը ետ են քաշվում, մնում են մի կամ մի քանի հզոր վաշխառու բեկեր»⁸¹:

Թուրքական կառավարությունը պարբերաբար բարձրացնում էր հարկերի չափերը: Այսպես, տասանորդը բերքի $\frac{1}{10}$ մասից XIX դարի վերջին հասցվեց 12,5 և ավելի % -ի: 1879 թ. կալվածահարկը 4 ղուրուշից բարձրացավ 8 ղուրուշի⁸², ուխարի հարկը 1880-ական թվականներին կազմեց 3—4, զինվորական հարկը՝ 37,5 ղուրուշ: Միաժամանակ մտցվեցին նոր հարկեր: 1879 թ. սահմանվեց ճանապարհաշինության հարկ (յուլ-փարասին), որի համաձայն յուրաքանչյուր տղամարդ տարին 3—5 օր պարտավոր էր աշխատել ճանապարհների վրա: Ըստ պահակության հարկի (փասմանդ-փարասը)՝ յուրաքանչյուր տնտեսություն տարեկան պետք է վճարեր 18—24 ղուրուշ, իբր ավագանիներից ու գողերից պաշտպանության գործի կազմակերպման համար⁸³:

Աղաներն ու բեյերը վճարում էին հարկերի աննշան մասը (շատ տեղերում ոչինչ չէին վճարում), իսկ գյուղացիները կրում էին հարկերի գրեթե ողջ ծանրությունը: Հարուստ գյուղացիներն իրենց եկամուտների համեմատ ավելի քիչ էին վճարում, քան միջակները և չքավորները: Հարկերի բաշխման գործում մեծ տեղ էր գրավում նաև կրոնական խտրությունը: Դիարբերիի նահանգում 70-ական թվականների սկզբներին մահմեդական ընտանիքը տարեկան վճարում էր 147 ղուրուշ (8 ուրբ. արծաթով), իսկ քրիստոնյա ընտանիքը՝ 188 ղուրուշ (10 ուրբ. արծաթով)⁸⁴:

Հարկերը սահմանվում էին գյուղացիների կարողությունից բարձր չափերով, որի հետևանքով կուտակվում էին ապառիկներ: Միայն 1897 թ. գյուղացիները պետությանը պարտք էին Կարինի գավառում՝ 1.452 հազ., Դևրջանում՝ 1.486 հազ., Քըղիում՝ 1.928 հազ., Խնուսում՝ 1.815 հազ., Բաբերդում՝ 633 հազար ղուրուշ և այլն⁸⁵:

Իշխանությունների հարկերը հավաքում էին ամենայն խստությամբ: Նրանք բռնագրավում էին գյուղացիների ունեցվածքը, անգամ անհրաժեշտը: Ականատեսները հաղորդում են, որ Ալաշկերտի գավառում հարկերի համար «եզիպտական պատիժներ կը տեղան»⁸⁶: Վանի նահանգում հարկ էին հավաքում «այնպիսի գիւղացիներէ, որք Սովկոց յանձնաժողովի նպաստներովը միայն կապրին»⁸⁷: Հարկահանության ընթացքում հարկահավաքներն ապրում էին գյուղացիների հաշվին: Նրանք դիմում էին ամեն տեսակ բռնությունների: Իրազեկները մեկն արձանագրել է, որ հայկական նահանգներում «հազիվ թե գտնվի գյուղ, որ չունենա իր ողբերգական պատմությունը, հազիվ թե գտնվի քրիստոնյա ընտանիք, որ չունենա սարսափելի հիշողություններ»⁸⁸:

⁸¹ «Մշակ», 1904, հունիսի 17 (№ 126),

⁸² Տե՛ս «Ընդարձակ օրացույց աղային հիվանդանոցի», էջ 229—230,

⁸³ Տե՛ս «Մուրճ», 1899, № 1, էջ 84,

⁸⁴ Տե՛ս «Материалы для географии Азиатской Турции, очерки Верхней Армении В. Штреккера полковника турецкой армии», Приложение I к тому II: «Известий Кавказского отдела императорского русского географического общества», Тифлис, 1873, стр. 81.

⁸⁵ Տե՛ս А. М. Пржевальский, Вилает Эрзерум, ч. I, стр. 39.

⁸⁶ «Մասիս», 1881 ապրիլի 5 (№ 2851),

⁸⁷ «Մասիս», 1881, մայիսի 4 (№ 2872),

⁸⁸ М. Г. Ролан-Жекмен, Армения, армяне и трактаты, М., 1896, стр. 142.

Արևմտահայ գյուղացիությունը որոշակի պարտավորություններ ուներ նաև եկեղեցու հանդեպ: Կ. Պոլսի հայոց պատրիարքարանը յուրաքանչյուր տարի վանքերից ու եկեղեցիներից ստանում էր տուրք՝ մուկաթաա, նրանց տարեկան եկամտի 10—20%-ի չափով: Այդ տուրքը հիմնականում հավաքվում էր գյուղացիներից: 1867 թ. պատրիարքարանը հարց հարուցեց աղգային ժողովի առաջ՝ հայ բնակչության վրա նոր տուրք սահմանելու մասին: Սակայն քաղաքական մի շարք նկատառումներով հարցը առժամանակ հետաձգվեց: 1881 թ. կրկին առաջ քաշվեց այն և որոշվեց եկամուտ ունեցող յուրաքանչյուր հայ լուսավորչականից տարեկան հավաքել՝ Կ. Պոլսում 20-ական իսկ զավառներում՝ 10-ական ղուրուշ⁸⁹:

Հայոց վանքերն ու եկեղեցիները պարտադրում էին գյուղացիներին կատարել զուրաբա, այսինքն՝ աշխատել իրենց կալվածքներում: Նրանք գյուղացիներից հավաքում էին նաև եկեղեցական տուրք՝ պուղի: Բնակչությունը պարտավոր էր որոշակի ծախսեր կատարել նաև եկեղեցու ծառայությունների համար: Վանում մանկան մկրտության համար տալիս էին 2—5 ղուրուշ, սպասկադրման համար՝ 10—20 ղուրուշ, ննջեցնելի թաղման համար՝ 5—20 ղուրուշ, տնօրենների համար՝ 30—40 փարա, գերեզմանի օրհնանքի համար՝ 20—40 փարա, քառասունքի առթիվ՝ 40—60 փարա և այլն (1 ղուրուշը 1870-ական թվականներին հավասար էր ռուսական 5, իսկ 1900-ական թվականներին՝ 8 կոպեկի):

Բազմազան ու բազմապիսի հարկերից և պարհաններից քայքայվող գյուղացիությունն ստիպված հաճախ դիմում էր վաշխառուներին, տոկոսով պարտք վերցնում և կրկնակի հարստահարվում: Մուշի գաշտի հայկական գյուղերում չկար մեկը, որ պարտք չունենար⁹⁰: Բուլանքիսի 30 հայկական գյուղերի $\frac{3}{4}$ -ը պարտապաններ էին⁹¹: Դրամատերերը Տարոնում վերցնում էին տված պարտքի 30—50 %-ը, Վանի նահանգի մի շարք շրջաններում՝ 80 %-ը, Բասենում՝ 100—150 %-ը⁹² և այլն: Վաշխառուները պարտքի ու տոկոսի փոխարեն բռնագրավում էին գյուղացիների ունեցվածքը և ստիպում նրանց ձրի աշխատել:

Այսպիսով, արևմտահայ գյուղացիության վիճակը չափազանց ծանր էր: Եթե Արևելյան Հայաստանում հաստատված էր անձի և գույքի ապահովություն, ապա Արևմտյան Հայաստանում գյուղացին, ենթարկվելով զանազան հարբստահարումների ու կեղեքումների, պարբերաբար զրկվում էր իր ունեցվածքից և արագ քայքայվում: Արևմտյան Հայաստանում գյուղացին ավելի շատ հարկեր ու տուրքեր էր վճարում, քան Արևելյան Հայաստանում: 1890-ական թվականների սկզբներին արևմտահայ գյուղական յուրաքանչյուր բնտանիք միջին հաշվով տարեկան վճարում էր 734 ղուրուշ⁹³ կամ 41 ռուբ. 69 կոպ., այն զեպքում, երբ արևելահայ գյուղական բնտանիքը վճարում էր 20 ռուբ⁹⁴. պետական հարկ: Արևելյան Հայաստանում գյուղացին հողատիրոջը տալիս էր բերքի

⁸⁹ Տե՛ս «Մասիս», 1881, մարտի 8 (№ 2827):

⁹⁰ Տե՛ս «Մշակ», 1889, հունիսի 22 (№ 69):

⁹¹ Տե՛ս «Արձագանք», 1894, հունվարի 9 (№ 3):

⁹² Տե՛ս «Հորիզոն», 1911, մայիսի 28 (№ 113): Ա. Թոխմախյան, Մասիս լեռան հարա-
ային ստորոտները, մասն Բ, Քիֆլիս, 1882, էջ 15:

⁹³ Տե՛ս «Արձագանք», 1892, հուլիսի 10 (№ 80):

⁹⁴ Տե՛ս ՍՄՀՄ ԿՊՊԱ, ֆ. 396, ց. 2, գ. 1160:

որոշակիորեն սահմանված մի մասը: Արևմտյան Հայաստանում դա կախված էր հողատիրոջ ցանկությունից, քանի որ պետության կողմից որոշակի սահմանված չափ չկար: Սոցիալական հարստահարումների հետ մեկտեղ արևմտահայ գյուղացին ենթարկվում էր նաև ազգային անհամեմատ ավելի դաժան ճնշման ու հալածանքների:

4. ԱՍՅԱՍՏԱՆԻ ԱՐԴՅՈՒՆԱՐԵՐՈՒԹՅՈՒՆԸ ԵՎ ԳՅՈՒԿԱՏՆՍԵՍՈՒԹՅՈՒՆԸ

Արդյունաբերություն: Արևելյան Հայաստանի միացումը Ռուսաստանին խոշոր իրադարձություն էր հայ ժողովրդի կյանքում: Դրա շնորհիվ հայերը զարգացման զգալի հնարավորություններ ստացան: Նրանց տնտեսական, հասարակական-քաղաքական ու մշակութային կյանքն սկսեց դուրս գալ լճացումից և բռնել առաջընթացի ուղին: Այդ առաջընթացն ավելի արագացավ հետոն-ֆորմյան ժամանակաշրջանում, երբ զարգացող ռուսական կապիտալիզմն իր հորձանուտի մեջ ներքաշեց կայսրության ծայրամասերը:

Վ. Ի. Լենինը ցույց է տալիս, որ հետոն-ֆորմյան ժամանակաշրջանում ռուսական կապիտալիզմը թափանցում է կայսրության ծայրամասերը և տնտեսապես նվաճելով, զաղութացնում դրանք: Նա հարց է դնում. «Ի՞նչ է զաղութը քաղաքատնտեսական իմաստով», և պատասխանում. «այս հասկացությունն հիմնական հատկանիշներն ըստ Մարքսի հետևյալներն են. 1) չզբաղված, ազատ հողերի առկայություն, որոնք գյուրամատչելի են վերաբնակիչներին. 2) աշխատանքի կազմավորված համաշխարհային բաժանման, համաշխարհային շուկայի առկայություն, որի շնորհիվ զաղութները կարող են մասնագիտանալ գյուղատնտեսական մթերքների մասսայական արտադրության մեջ, դրանց փոխարեն ստանալով արդյունաբերական պտրաստի արտադրանք. «որոնք այլ պայմաններում պետք է որ իրենք պատրաստեին»⁹⁵: Նշելով, որ և՛ ընդհանուր Ռուսաստանի հարավային ու արևելյան ծայրամասերը հետոն-ֆորմյան ժամանակաշրջանում արդեն դարձել էին նրա զաղութները, Վ. Ի. Լենինը շարունակում է. «զաղութի այս հասկացությունն է՛լ ավելի կիրառելի է մյուս ծայրամասերի նկատմամբ, օրինակ, Կովկասի: Նրա տնտեսական «նվաճումը» Ռուսաստանի կողմից շատ ավելի ուշ է կատարվել, քան քաղաքականը, իսկ տնտեսական այդ նվաճումը լիովին չի ավարտված մինչև այժմ էլ: Հետոն-ֆորմյան ժամանակաշրջանում՝ մի կողմից Կովկասը խիստ զաղութացման էր ենթարկվում, զաղութաբնակները մեծ չափերով հերկում էին հողերը (առանձնապես Հյուսիսային Կովկասում), վաճառքի համար արտադրելով ցորեն, ծխախոտ և այլն ու մեծ թվով գյուղական վարձու բանվորներն զբաղելով Ռուսաստանից: Մյուս կողմից, սեղի էր ունենում դարավոր բնիկ «տնայնագործական» արհեստագործությունների արտադրումը, որոնք Մոսկվայից բերվող ֆարրիկատների մրցակցության հետևանքով անկում էին ապրում: Ընկնում էր զենքի հինավուրց արտադրությունը՝ Տուվայից ու Բել-գիայից բերվող ապրանքների մրցակցության շնորհիվ, ընկնում էր երկաթի տնայնագործական մշակումը ռուսական բերովի արտադրանքի մրցակցության շնորհիվ, ինչպես նաև ընկնում էր պղնձի, ոսկու և արծաթի, կավի, ճարպի և սոդայի, կաշվի տնայնագործական մշակումը և այլն. այս բոլոր արդյունքներն ավելի էժան էին արտադրվում ռուսական ֆարրիկաներում, որոնք իրենց